

廣德州志卷五

地域志 名蹟

名蹟

蹟何以言名也其地名其人名故名之也桐本山越號稱巖險唐以前少軼見他說者宋明之際文物盛矣舊志雖立古蹟一門絕無發明夫蹟之古無踰衡山桐汭矣今既不可復出而樓臺亭榭半供遊覽且建自明季未可謂古特以其成於名賢之手足繫人思耳庫市基址興廢有時存之以資考覈其以類相

廣德州志

卷五

名蹟

一

從則志家舊例也

鄆郡治漢書高帝紀注韋昭曰鄆郡今故鄆縣也後郡徙

丹陽轉以為縣故謂之故鄆

詳沿革案舊志古蹟首故鄆縣城今補此

故鄆縣城

通志作鄆縣故城誤

明一統志在州城東北漢縣屬丹陽

郡

南畿志同

去長興縣西南八十里萬厯志漢高帝時建今

廢

廣德故城杜佑通典宣州綏安有漢廣德故城舊唐書地

理志至德二年改綏安為廣德以縣界廣德故城為名

通志廣德舊縣在州治西南漢故鄆地孫吳析置

廢廣德縣明一統志在州城內漢分故鄣地置廣德縣宋

置廣德軍治此

南畿志同

案此唐及五代之廣德縣也據舊書言縣界廣德故城則與漢末分故鄣置者不同

廣陽故縣南畿志明初改廣德爲廣陽後裁并入州萬厯志廣陽縣基學基在州西南今爲民業

案此宋元時倚郭之廣德縣明初改裁者也又與前改州治者不同舊志疎略今分列之又通志載古郡邑名以劉雲客所王之廣德爲隸黟縣而以劉廣漢

廣德州志

卷五

名蹟

二

所王之廣平後漢銚期子統所封之建平侯爲今廣德州未見所據茲不復採

苦嶺關萬厯志在州治東南七十里正德十二年孝豐劇賊湯毛九爲亂知州周時望判官况照躬率民兵守此以禦焉亦險隘區也

互詳山川

四安城在州東五十里吳興掌故集隋大業九年置鷹揚府於此而築城云名四安者長興宜興故鄣廣德皆保障於是也

案四安屬浙江之長興而實爲宣歙池廣之咽喉明

史注之廣德州下通志亦入廣德古蹟以此也

諸葛城平建明一統志縣西十里其中可容數千人通志作僅容千

人旁有驢城馬城相去一二里有井數十世傳以為昔

人屯駐之地南畿志同

浮城平建明一統志縣西十里廣數畝其上有木莫能名斧

之則淋漓如血地至窪下每夏潦暴漲諸圩盡沒惟此

巋然獨存故名南畿志同通志作巍然若浮

城上里平建楊志縣西一里許宋末居民避亂掘土築城以

守遺阜尚存今草木蔚然深秀映帶竹谿可以登眺

廣德州志

卷五

名蹟

劉文靜故宅南畿志在州北三十里今為唐興寺通志同萬

歷志舊有人於廢井中得古銅器上有款識其寺前有

劉相公廟相傳文靜捨宅為寺故廟祀之今廢

案文靜字肇仁京兆武功人相唐高祖唐書有傳不

應宅在廣德或云梁人考梁書平原劉孝標諡元靖

先生又有劉曇靜無文靜也

潘晃故宅桐汭志今聖感寺乃晃舊宅見祠山事要

案羅儀聖感寺碑云始唐天祐間尚書潘公施袞袞

地為法苑師所建

高封周宅建平南畿志縣治北廢為壽昌院封周在江南為

陳氏外戚宅有八角井九曲池皆封周所鑿一統志云至今存焉

通志舊傳并有藏金鄉民常欲取之輒沸湧隱隱聞笙

歌之聲

案陳書世祖沈皇后吳興武康人母高追贈綏安縣

君諡曰定封周當是后之戚黨也

誓節廟萬厯志州西五十里唐黃巢之亂土民張姓帥鄉

兵禦之兵敗誓死不退後人嘉其志節廟祀之案萬厯

二十四年知州段猷顯立石云唐末里人義兵張姓死

廣德州志

卷五

名蹟

四

節處

有碑詳忠烈

鍾村通志在州境宋建炎三年岳飛駐師於此軍中乏糧

將士不敢擾民人至今稱之

濮陽模過鍾村親征詔下東西浙金敵歸師誰翦截海舟已昨韓將軍統制神兵如電擊當時從此犯臨安六戰於今連奏捷宋史煌煌紀戰功贏得鍾村名不滅我來弔古心激昂人家寥落無碑碣偶聽田父坐間談耕田時拾殘刀鐵更指村邊幾樹松松根曾污金人血精忠遺跡永不消熒熒鬼火光猶碧

紮寨圩通志在州西北五里宋岳飛屯兵於此萬厯志在

橫山麓

揚令圩萬厯志在州西南五里許岳飛追逐金人揚揭令

旗率眾於此故名

案宋史稱飛至洪州以紅羅爲幟上刺岳字又嘗植岳字旗於撫州城門賊畏不敢犯此言揚揭令旗蓋本此也史又稱兀术趨杭州飛自建康要擊至廣德境中六戰皆捷駐軍鍾村軍無見糧將士忍飢不敢擾民移屯宜興盜悉遁去人皆圖飛像祀之後討戚方飛以三千人營於苦嶺戰數十合皆捷鍾村苦嶺皆在廣德然則武穆所駐兵者非一處矣萬厯志謂鍾村卽紮寨圩與楊令圩相近李志又增草場石臺

廣德州志

卷五

名蹟

五

哨馬蹋而皆不及鍾村苦嶺今依通志列之訪土人則州東十里尚有鍾家村爲武穆駐師處非橫山麓也

艸場圩李志在濯纓橋西岳武穆屯馬於此故名

掛鼓壇祠山事要在州東三十里浴兵池側舊傳張眞君鑿河至青林塘於畢宅保掛鼓於楓林與夫人約食時

三鳴鼓今號掛鼓壇

見常安民靈濟行狀

箭穿卡在州北五十五里兩嶺夾之口隘而中寬土人呼爲卡迤邐二十餘里澗水淙淙然南口尤窄不能旋馬

西嶺下有官橋橋畔平地數千畝相傳宋時金兵據此樹柵爲城岳飛以火弩射之柵盡壞因名曰箭穿卡東南有架鼓山卽飛鳴鼓督戰處東北將軍山三峯聳立亦以飛得名居民嘗於嶺下得鐵礮大如碗故壘尙存

案此據傳聞補書之考楊吳時孫儒壁廣德最久李神福田額並用兵於此土人殆以鄂王名最著故盡舉而歸之耳

半澗圩李志在琴山麓宋趙平叔隱居於此自號半澗遺老

廣德州志

卷五

名蹟

六

哨馬蹋李志州西四十里茅林山麓岳武穆將牛臯屯兵

於此山巔有盤馬舊蹟尙存

案茅林山當卽茅嶺山

案牛臯字伯遠汝州魯山人屢敗金人其屯兵茅林殆爲甯國軍承宣使時歟

白馬墩南畿志州北三十里舊傳劉文靜洗馬憩息於此

通志云於此浴馬

孝義墩萬厯志在旌孝都孝子李彭年故蹟楊志里人積土於門質以黃飾以白呼爲孝義墩

案薛居正五代史載晉高祖天福四年戶部尙書奏

李白倫義居七世準敕旌表門閭宜從令式於所居之前量地之宜高其外門門外綽楔門內左右各建一臺高一丈二尺廣狹方正稱臺之形圻以白泥四隅漆赤此制至宋猶然李彭年以孝旌門正合建臺之例里人不知因以墩名耳

寨墩

平建

通志縣北十里春秋時伍員伐楚還吳立寨於此

今尚有寨門遺跡

鳴鼓墩

平建

通志縣西南二十五里舊傳鄉民築亭墩上每

東作時登亭鳴鼓踴躍田功楊志使遠近聞之亟修田

廣德州志

卷五

名蹟

七

器

單公墩

平建

楊志縣北一里許元大德七年趙野軒於別業

之西得此墩因與其友單道心觴咏其上遂以其姓稱之

石鼓墩

平建

通志縣東北六十里石峻嶒狀如魚鱗人行有

聲如鼓因名

寨嶺

平建

楊志縣南四十里古曾置寨今名寨嶺陳村

眾春園

明

一統志在州治西北萬厯志在玉溪之上宋紹

興間參軍趙子濬建有玉溪堂聚景樓圓嶠方壺翠溪

三亭

一統志南畿志
三亭俱在州圃

亭畔古梅其狀奇巧郡守趙希仁

刻石記之溪後有池清可鑒物淳熙間

舊訛元至元
間今改正郡

守趙亮夫築亭池上扁曰濯纓為遊覽之勝今半為溪

流所蝕明正德中知州喬岱復於溪上建濯纓橋

參通志

雲中官濯纓橋懷查清容先生晴郊碧靄護長堤遲日
和風岸柳低流水聲中鶯欲語夕陽城外綠初齊市橋
人影空波度竹塢茶烟遠望迷緬
邈昔賢高洗耳垂綸肯向樹間題

清容堂南畿志在州治西宋知軍錢公輔築堂以居儒者

查深俾訓州人子弟

一統志同今廢通志同

吳甯謚樂府維宋一代多名儒桃州查子挺奧區濂洛
關閩隔聲氣踽踽不愁吾道孤郡守薦賢不肯就聊為

廣德州志

卷五

名蹟

八

子衿樹楷模築室門題清容字畫出先生倉與鬚城西
畔孔道傍一帶郊原駐夕陽當年誰是清容堂遠者農
近者市手指目注金與紫啓口誰道查夫子溪流玉橋
濯纓不有高人曷命名杖履應傍此中行宋名臣錢君
倚古人今人堪媿美
何日講堂畱故址

斗山堂萬厯志督撫周公為李得陽識

山月堂萬厯志在湖陽山嶺

案二堂萬厯志列之公館則非李氏宅可知

東湖艸堂楊志在東亭湖蒼仙香火

羲蒼道院楊志在東亭湖南里許督撫趙公為李得陽識

集仙臺元混一方輿勝覽在張王祠山絕頂明一統志宋

天聖中郡守梅詢建及王渙守廣德詢送以詩曰我有
集仙經始在勞君一到爲重修後因張真君嘗禮斗於
此改爲禮斗臺通志俗名禮斗臺楊志後廢明萬厯間知州陸

長庚建禮斗亭其上

案李志橫山圖
作集仙亭誤

翻經臺萬厯志在橫山萬松林後廢

釣魚臺明一統志州北二十五里唐張志和釣魚於此因

名臺下澗深莫測藤蔓繞磯松篁夾岸臺基尚存

南幾
志通

志同

案志和字子同婺州人唐肅宗慕其高尚命待詔翰

廣德州志

卷五

名蹟

九

林後出爲南海尉遂放浪江湖與陸羽往還因託迹
吳興浮家泛宅往來苕霅間事詳顏真卿所撰傳吳
甯謚曰長興與廣德接壤隱者入山惟恐不深潛蹤
至此正未可知

石臺李志在白茅嶺古稱岳武穆將臺

鳳凰臺通志在北門外州守鍾振築鳳凰墩結臺其上因

名萬厯志爲州治壯元武之勢

接清臺萬厯志在東亭湖之陽古蒼先生每昧爽登此以

接乾坤灑氣

李得陽詩世人耽枕席焉接先天精晨興舉高步野氣逼人清朝曦海色動靈霞林端明萬籟此中寂春禽時一鳴探奇耳目爽凌風筋骨輕逸懷殊未已我欲登蓬瀛

鼓角樓南畿志在州治前宋錢公輔朱壽昌相繼建案明一統

志宋熙甯初朱壽昌建無錢公輔曾鞏記見藝文萬厯志元知州僕文質

重修詳公署

三峯樓南畿志在州治南萬厯志跨街而成宋參政李光

有登三峯樓詩案舊志誤參軍今從混樓毀明萬厯三

十年知州何鳳起重建案今廢僅存舊址

宋李光詩一川花柳擁雕欄濃綠浮空四面山便欲移家來住此不將名姓落人間見明一統志元混一方輿

廣德州志

卷五

名蹟

十

勝覽題咏止錄此詩首二句
國朝方穀三峯樓春望傑閣臨衢道樓高足振衣三峯當檻出一水抱城歸麥浪連天白桃蹊映日緋研池連筆架相向覺氛稀

借景樓明一統志輿地紀勝云郡圃縣圃相連故曰借景

南畿志一名聚景

靜治樓明一統志在州治後宋建明正統六年重建

山光樓萬厯志在州治西今廢

桐川樓萬厯志在州治後今廢案周瑛詩獨上桐川第一

樓卽此

藏書樓萬厯志在北門舊學基明倫堂後宋慶元中郡守

陳公炫建今廢

范文正公獄亭南畿志在州治半里許有故址

案後於此建范公祠雍正八年知州徐敦蕃乾隆四十年知州恒豫州判左宜相繼修

景范亭萬厯志在社稷壇右嘉靖五年判官鄒守益因范文正公舊作獄亭於司理廳東歲久址湮遂建此亭以紀其績匾曰景范

案李志載申明亭在州西四十里天平村中宋范文正公建課農桑問民疾苦於此考明始有旌善申明

廣德州志

卷五

名蹟

十一

二亭萬厯志云俱洪武初建應入公廨范公之有申明不知李何據也

秀遠亭在州治前混一方輿勝覽載宋陳天麟詩筍槊秧針入圖畫令人魂夢到家山

攀蘿亭南畿志在橫山宋學士梅詢建

通志

天語亭在祠山廟殿前刻明太祖御製詩於石築亭覆之永樂間知州羅坤泰建久圯隆慶六年知州鍾振重刻詩碑建亭萬厯辛未知州方沆顏曰天語亭今碑在近斗樓下

明羅汝敬御製祠山詩碑畧祠山廣德六月福地也太祖高
皇帝肇造區夏神天協贊歲丙申之兆聖衷知神之厭
蹕山下輒詣祠卜所得四海和平賦七言詩八句以答
亂天聖製舊書於祠之殿壁出歲久漫漶不可復辨永樂
神貺聖製舊書於祠之殿壁出歲久漫漶不可復辨永樂
辛丑秋聖製舊書於祠之殿壁出歲久漫漶不可復辨永樂
化行州人以安是冬吏部尚書兼詹事府詹事臣義
詔巡撫畿內郡縣比至州即躬謁祠下求宸翰所在昭
德宮提點臣希年具陳其故且謹誦之遂俾坤泰勒之
石而亭以覆之既而徵言以識歲月賜進士翰林侍講
承直郎兼修國史臣羅汝敬撰徵事郎中書舍人臣朱
廷暉書從仕郎吏科給事中臣望奉敕巡撫額時永樂二
十一年歲在癸卯春二月既望義賜進士出身奉訓大夫
吏部尚書兼詹事府詹事臣蹇義賜進士出身奉訓大夫
夫知廣德州事臣羅坤泰陸鳳跋臣鳳幼在里閭
有祠山之名而不知山在何處既長知有廣德之郡而
不知祠山實在茲焉成化乙酉夏領命來守斯郡三日
後謁廟拜觀宸翰碑被燹殘不堪傳示於是命工立石

廣德州志

卷五

名蹟

十二

舉實成文書跡已泯御製顯著故不復敘唯將勒碑之
由謹書於碑末以示後云成化戊子夏直隸廣德州
事辛湖陸鳳王玘奏請刻石立亭疏碑直隸廣德州
道正司道正臣王玘謹奏為靈應事切照本州有祠山
張真君自漢以來治水為功捍患禦災生民有賴欽惟
太祖高皇帝奉天明命戡定禍亂芟夷羣海嶽百神
無不効靈昔調兵征宣州駕幸本山昭德宮夜夢神籤
有來降之兆次日復禱於神果得神籤與夢符合未幾
報捷宣州已降由是太祖高皇帝大悅靈應詩以贊
神休即位之初首敕邵平章以埋藏故事報祭於神仍
令有司春秋祭祀至今不缺一臣欲自備工料將御製詩
文刻之於石立亭覆蓋以傳永久上以彰太祖高皇帝
之受命下以昭真君之効靈未敢擅便今將御製詩文
并原降神籤具奏於本年二月初十日該通政使司
左通政朱侃等引於奉天門奏奉聖旨准他禮部知
道欽此洪熙元年歲次乙巳昭德宮住持道士盛希年
謹述成化十九年癸卯歲七月立類
太祖高皇帝御題有碑歲久荒頽仆置於地幾百餘年

未有能起者荆溪陳氏名鏢者貢香詣此見遺碑之仆
凜不自安捐資首倡為碑首碑座以振起之由是道士
吳世軒等慕義而作助其不足而終事焉不可不志因
道正湯大康之請而題之崑皇明嘉靖三十六年丁巳
季春望日郡庠生
第一山人陳章撰

案廣德為明祖龍興時駐蹕之地題詩有天下英靈

第一山之句今碑石現存為名蹟之最著者舊志俱

未之及茲特詳載諸刻於此詩見藝文

巢雲亭明一統志在竹山**案**南畿志又有流玉一名漱玉

潘鼎巢雲亭詩曲徑攀蘿上疎籬帶筍編巢隨雲去住
雲共鶴翩躚歲晏思三友風高憶七賢僧為燒玉版紀
勝愧無篇流玉亭詩高亭出木末絕巘枕嵐岡雪霽
千竿玉花飛萬會香佳時遊不倦暑日坐生涼對峙風

廣德州志

卷五

名蹟

十三

霜古平分
歲月長

薜蘿亭悠然亭萬厯志俱在中丞里

天游亭萬厯志在學署明倫堂後萬桂山巔明成化十年

知州周瑛累土為山手植萬桂因以名山巔為凌雲峯

建亭其上今圯互詳學校

春省亭通志州西五里小芝山上明嘉靖十五年州守朱

麟建以勸農

豁眸亭萬厯志在州西四十五里白茅山巔萬厯二十五

年知州段猷顯重構巡撫彭禮題額

望雲亭萬厯志在州西北五里三忠祠後萬厯二十三年

知州段猷顯登眺於此見白雲孤飛有懷親舍因構亭

識之

澄清亭在麗正門外潢水塘南塘水常濁相傳廉吏至則

清萬厯乙未清者數月時州守為段猷顯郡人作亭二

為勒碑紀績焉

胡志

嘉慶三年圯僅存碑記里人重修葺

護其碑

新纂

明李得陽潢水澄清碑記桐郡城南夾周道而匯者左
右得二潭焉堪輿家矚郡形勢地防發於笄山北昂伏
百折甬入於城之南門俗呼為龍眼泉云其水長濁
即高秋澄滲未之清也唯治郡者賢時政清和民物安

廣德州志

卷五

名蹟

十四

阜輒為一清豈笄山鍾靈與政治相感召若符契不爽
與宋自范文正公為參軍時潭為之清自高皇秉籙
迄今二百餘禩僅僅翠渠沒也迺南段侯以癸巳縮章
清如參軍時然其他沒也迺南段侯以癸巳縮章
吾土乙未秋德教翔治潭之清者數月波光鏡上日
可數入盞銀花翻瓢雪蕊桐民挈盒提壺婆娑其翬髮
遊於段侯之天而不知也郡士張大行董生用寶葛
生鍵偕諸鄉民戈瀚韋三聘時源濮陽景麟等謹礪石
謀所以志其異遠問記於予予惟才不遷誼何能揚厲
萬一顧陽濯沐覆露下辱道契最深不忍同寒蟬寂乎試
觀在昔穎川之鳳陵之火潮州之鱷序正櫺星門以
史冊爛焉可睹記今段侯治郡雅意膠序正櫺星門以
宏規模尊經閣以藏書史建啟聖宮以崇本思額五
雲樓以課文士買學田以給費資整祭器以昭虔祀是
以州之士亦津津然奮起矣他如建橋梁新譙樓崇往
哲慎保甲訓勤儉選明師給牛種廣植飭溝洫者胡
利弗興編僉量徵收弭竊發逐峻訟清兩造免火夫
禁煤山者胡害弗除繩奸豪懲博徒祛吏蠹較斗衡嚴

私販者胡弊弗革施藥以救貧病糞粥以給獄囚捐貲
以瘞枯骨助祭中丞之墓以表廉加惠後學之勤以造
士改折北運之兌以便民設鄉約所以諭俗建三忠祠
以旌節諸媿政藉口碑以故鄉和氣致祥樓雀巢火
滅枯樞生天鵝遊於沼讀而漢水緣生西征記有靈焉
段侯循良左券耶予嘗讀郭緣生西征記有靈焉章夫孰
夢之值動與政事關若斯水澄清之奇者噫不觀之曠
歲鮮乎文宣傳咸言感一人而天下和平則內山大川效
傳名山大川效其靈一國和平則內山大川效其
靈大都政事氣化兩相徵合夫亦感應之理本於自然
無足怪者予是以儼侯治行美漢唐諸臣無論已而
心源朗徹既與文正之冰清玉潔齊芳終始直與
宏鉅深得翠渠之精粹而青天白日慎終始直與
嶽並驅是以山川之靈旋為段侯應而楮墨以咏性
感之與侯所尤不可及者簿書之間輒親楮墨以咏性
情時而跌坐入窵冥直遊無物之宗故與侯交者望而
知其為神仙中人焉異日遊者無靈襟以澄清六合當與

廣德州志

卷五

名蹟

十五

文正諸公之德業並垂不朽以奚直潭水之清已哉蓋嘗
聞之君子之瑞在德不在物以農之德召父思矣其瑞不
其瑞不在麥茂而在張公勸農則今日澄清之應未足
在棠芾而在斯民勿翦之真心然則今日澄清之應未足
為段侯奇第所以感桐之真瑞也僉曰猗歟休哉可以樂
為之頌記者乃段侯之真瑞也僉曰猗歟休哉可以樂
矣遂泚筆記之萬曆歲次丙申五月吉旦賜進士第中
憲大夫欽差提督軍務巡撫湖廣等處地方都察院右
僉都御史郡人李得陽撰文夏良心篆額李天植書丹
國朝張名世潢水重清記城南有潢水塘四時恒濁若州
守廉明則暫為一年清宋時僅四見澄清焉自周公瑛江公
暉段公猷顯八百年來僅四見澄清焉自周公瑛江公
十有五載而三韓門公寨帷入境公提躬端潔飭治精
嚴利靡不興害莫不除兆民欣欣咸有更生之樂昔時
行之潦澤忽而澄清徹底苻藻可鑒萬眾羣觀詫為非
常之奇瑞也公臨桐兩閱月而人心順山水效靈抑
何感應捷於桴鼓與桐民數十年困於賦疲於役虐坐
歲其望拯救者匪朝伊夕矣公所擘畫若汰里長革坐於

差禁火耗免收頭清訟源拯災荒美政未可更僕數大
約立法務簡持法務平即窮鄉幽谷皆得陳其疾苦故
朝所厝注暮及於百姓數月之仁政百世勿諼焉名世
因士民之感頌敬書其事與范周諸公並垂不朽云
梅銅清水潭碑記畧州治南關外左右有二潭潭上二
亭亭中二碑余覽其文一前朝鄉先生李公景渠夏公
仁寰為郡侯段公諱猷顯者立也李夏二公功名事業
著於當時傳於後世必不肯虛譽以媚當日之父母者
一則建自
國朝郡紳士為郡侯門公諱可榮者設也蓋桐以凋瘵之
後門公至而苛政積弊為之一洗故甫下車而潭遂清
然亦僅半月耳余既讀其記因周視其潭則潢潦之色
無異黃河豈非潭之清未易數數見而州父母之澄清
能與天地合德則山川亦為之效靈歟今桐之紳士忽
郵函於余曰三韓李公初至而潭即清州人士咸稱為
異驗謂必有范周諸公之清政復見於今乃自下車至
今未及朞月而清風惠澤已難悉數其自奉也儉不啻
飲冰茹蘖而行館供應之患絕矣其接人也恭不啻吐
廣德州志

卷五

名蹟

十六

哺握髮而倨侮朦蔽之弊遠矣其勸息訟也誠不啻家諭
泣罪而囹圄桁楊之設虛矣其勸息訟也誠不啻家諭
戶曉而刁唆誣詐之風滅矣其催科也不用而紳士民戶之
有別而豪右不得頑抗經催簽差之不用而紳士民戶之
苛累矣且也不差如革坐捕而各保不至生事汰冗深
山不聞犬吠矣他如巡警而盜賊不敢潛蹤此皆數月
而民膏不致多吸嚴已如此何可不誌康熙三十三年
間五月賜進士出身中憲大夫大理寺少卿宛陵梅銅
卿宛陵梅銅進士出身中憲大夫大理寺少卿宛陵梅銅
明屠隆寄題澄清亭為段使君賦桐川山色抱孤城三
載閭閻滿頌聲野史曾書循吏傳靈泉今為使君清千
家曉日來提甕一曲涼風度濯纓見
說令人神骨爽何時斗酒坐空明

案是水宋書符瑞志載文帝元嘉十五年廣陵太守

范邈上言所領輿縣前有大浦水常淤濁比來源流

清潔纖鱗呈形古老相傳以爲休瑞潢水亦猶是也

木末亭萬厯志州東南二十里古蒼先生觀瀾處

見一亭萬厯志州東三十里爲羲蒼子立

行用庫基萬厯志在州西明洪武十年置今爲西社學

案元史官志諸路置平準行用庫提領稅務提領等

員則稅庫二基皆始於元非置自洪武也

稅務基南畿志稅課局在州治東萬厯志州南六十里今

爲黃栢舖

織染局基南畿志在州治西萬厯志和豐倉後今廢

廣德州志

卷五

名蹟

十七

桐川驛基通志在州西二十里

萬厯志楊志同李志作三十里

萬厯諸志

俱作桐川驛基李志因見通志有桐川故驛遂重出驛

基今刪

銅坑茶市基萬厯志在州西南九十里

諸志不載

獨木市基萬厯志在州西南七十里

古硯池李志在州治前宋范文正公滌硯於此方塘清澈

秀水通焉池畔有范公亭

詳前

潘翥硯池亭榛蕪久掩舊方塘按蹟重開翰墨香亭引

青雲凝碧漢池涵皓月接奎光景行前哲追芳軌啟迪

諸生集講堂地以人傳垂範遠後先流澤潤甘棠沈

洪題古硯池硯池之水不盈丈參軍托跡人瞻仰淋漓

墨瀋著漣漪當日高風洵無兩祠堂寂寞闕芳踪皓
鶴一聲池月朗春來雷雨起蛟龍會看烟雲騰波上

放生池萬厯志在郡圃後慶元二年知州魯棗得巨溪延
袤百步泓渟澄澈因加治焉名曰溪堂活鱗介以千計

今廢有陸游記

見藝文

馬履澗

建平

南畿志縣東北三十里俗傳伍員伐楚還馬履

此水湧出因名

洗馬澗

建平

明一統志縣東南四十五里世傳唐僖宗時黃

巢作亂命李克用征之於此洗馬因名

案克用未嘗至江南此必有誤

廣德州志

卷五

名蹟

十八

暗橋

建平

通志縣東北六十里護形山之麓舊傳伍員奔吳

避於山中追者至此雲氣護之員及橋而天暗遂名

神仙塘

建平

通志縣南六十里淨覺寺前相傳許真君曾浴

此岸有楓樹遇年歉則枝枯有年則茂豐歉半則六七

月始葉

金牛跡

建平

通志縣東北十五里相傳昔有神人驅金牛至

此爲人所見人牛俱沒石上牛跡尙存

橫山聖井在山巔萬厯志卽今龍池南畿志作龍王潭歲

旱禱雨輒應明一統志聖井四時不竭

雲中官詩素影搖空翠登臨近日邊漱瓊分霽色掬水
動松烟石穴通潮信珠光溢斗躔龍宮深穩處閑臥幾
年何

白馬聖井南畿志州東六十里山巔一石潭方如井冬夏

不竭

通志同李志
作東北五里

范公井通志在州治司理廳東南范公亭北有雙井宋范

仲淹爲司理時鑿名范公井亦名義井

金井在麗正門外東首南畿志云在明威門外一里深不

及文明一統志云泉甚清冽本朝車駕嘗幸其地飲水

因名通志云明太祖駐軍時汲此水以給軍士因名

廣德州志

卷五

名蹟

十九

丹井通志治南十里丹井之上相傳徐真人煉丹於此

子張井南畿志在州南百里在子張山下舊傳有姓張者

設教於此因名

王婆井萬厯志在州東二十里王婆舖前

案志於仙釋類載呂純陽嘗遊此從酒舖王媪索酒

輒與與必盡醉義之與丹一粒投井中井水化醴鬻

之致富後數年純陽復至問媪如何媪曰賣酒甚佳

惜無糟飼豬耳純陽笑其無厭收藥於井水不復爲

酒矣後人因名爲王婆舖名井曰王婆井其事與建

平縣志郭母店古井悉同但彼言道人爲異耳計仙遊幻跡必不自言姓名何遽知爲純陽贈丹化醮偶然遊戲或有之王婆郭母數見不鮮今於建平依通志登郭母而附存仙釋之說於此

范氏義井建平縣志在城東崇信坊一名雙井宋咸淳四年

范日進家屬三百餘口鑿此同飲建平存稿明李謹梁

記張令修有斷碑今存其一乾隆十七年邑令貢震立石

郭母井建平通志縣西南二十里俗傳仙人以藥投井水變

廣德州志

卷五

名蹟

二十

爲醴者卽此

龍潭楊志在橫山後有小魚似龍人取畜之盆中一夕仍歸其潭禱雨多應

祠山三寶楊志在祠山廟一白玉磬篆書宣和殿寶通志作篆

書宣和殿寶四字今現存一火珠名軒轅鏡一趙文敏

手疏詳叢綴

案火珠萬曆志作水晶珠又有白玉禪師手卷無白

玉磬

銀杏樹在州學後元妙觀明建文末靖難兵起修撰王叔

英聞變自經於樹而死

見明史
詳宦績

嘉靖五年判官鄒守益

移觀於東郊建懷忠祠於樹下祠旋圯萬曆二十五年

州守段猷顯改建存忠亭樹在亭後大數抱四十年州

守李得中令民勿剪伐學正李日滋捐俸立石并買地

取租銀三錢以備銀杏時小祭

見萬曆志
楊志學校門

今亭圯樹

亦無存

明李天植詩古木垂清陰肅肅忠魂棲春廷承湛露秋

苑風以淒柱國有遺憾回天日已西凋傷連理夢零落

孫枝啼榮悴渾常事英芳千載齊靈和元氣護祠表有

新題李日滋詩桐川銀杏樹枝幹何扶疎有土經其

下姓名光簡書大義既以揚凡木成名株蔽芾汝甘棠

千秋映清渠秉彝好既同剪伐豈爾圖顧茲歲寒深榮

廣德州志

卷五

名蹟

二十一

華瘁不敷誰當播陽春俾爾吐華腴一脈從根起結子

圓如珠散作節義種生漸扶輿毋徒嗜清味令此一

根孤徐文淵次韻樹古重陰密枝喬碎影疎為憐忠

魂附流馥映中書世澤耀三槐靈樁陋一株傷時因感

物賡韻正懷渠錯節成仁據盤根取義圖甘同松柏操

不學槿桃敷銀殼一朝破瓊燦且腴得之誠可珍疑

勝蚌中珠堅心明注水生氣凜

堪輿特立無時倚千秋半月孤

國朝周廣業秋日訪銀杏故處同鶴村作西風黃葉滿林

坳此地還餘呵護靈遜國自焚誰信史更無杜宇哭冬

青王其福前題同耕厓作懷忠祠宇冷秋煙樹朽

偏憑汗簡傳卻恨古田林御史無人收葬似希年